



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De ordinanda Missa ex supradictis Rubricis. XIV.

urn:nbn:de:hbz:466:1-40214

bet adorandi cum genuflexione , vti ad ea verba , *Et verbum caro factum est; quando nimurum dicitur, Et præcidentes adorauerunt eum.*

t Euangelium Vigiliae.] Quia nec in Officio lectum est, idèo neque legitur in fine Missæ.

u In Missis Votivis.] Quia Votivæ discordant ab Officio , cuius Euangelium vel nobilitori loco in Missa le-

gendum est , vel omittendum ; idcirco semper in ijs legitur Euangelium S. Ioannis.

Dicitur etiam Euangelium S. Ioannis in fine Missæ de Festo, in qua nulla fit commemoratio Feriæ priuilegiatæ , *vt in tit. 7. num. 2. quando scilicet dicuntur duæ Missæ, de Festo, & de Feria , sine utrorumque commemoratione.*

De ordinanda Missa ex supradictis Rubricis. X I V.

Supradictis Rubricis cognitis, si quis velit ordinare Missam diei , recurrat ad Ordinarium Missarum de Tempore , vel de Sanctis , secundum qualitatem Officij . Si proprium non habeat , recurrat ad Commune Sanctorum . Si de Feria agendum sit , & propria Missa non fuerit de Feria , dicatur Missa præcedentis Dominicæ , omisso Gloria in excelsis , & Symbolo: præterquam Tempore Paschali , in quo semper dicitur Gloria in excelsis , *vt supra* , excepta Missa Rogationum : & in Aduentu ^x prætermittitur Alleluia post Graduale , cum suo Versu . Si dicenda sit Missa Votiva , requiratur post Commune Sanctorum suo loco . Si plures Orationes dicenda sint , requirantur post Missas Votivas , suo loco de singulis rebus singulae . Si pro Defunctis dicenda sit Missa , habetur post Missas Votivas , cum Collectis diuersis , circa finem Missalis . Ordo totius Missæ , cum Præfationibus , Canone , & alijs dicendis , habetur suo loco , cum Proprio Missarum de Tempore .

EX his colligitur , ordo Missalis quam optimè institutus sit , in quo primū habentur Missæ de Tempore , ab Aduentu ad Pascha , à Paschate ad Aduentum : & hæ sunt Missæ , vt ita dicam , de Vita Christi per annum distributæ . Deinde Missæ de Sanctis , ab Aduentu item ad Aduentum , sive finem Nouembri : & hæ sunt Propriæ . Tum communes de ijsdem . Quarto loco Votivæ , & pro varijs necessitatibus . Postremo loco pro Defunctis , qui extrellum in pace clauserunt diem . Canon vero medium Missalis iure occupat locum cum Ordini-

ne Missæ , qui communis est omnibus Missis .

*x Prætermittitur Alleluia.] Feriæ Aduentus sunt quasi Vigiliae summæ Festiuitatis Natalis Domini ; & in ijsdem erat ieiunium , *vt dicemus tit. seq.* ad mœrem representandum sanctorum Patrum expectantium Messiam . Quare sicut in Vigilijs , & alijs ieiuniorum diebus , ex Alcuin . de Diu . Offic . cap . de Parascene , omittimus festiuiissimum Alleluiaiticum melos , ita & in Ferijs Aduentus . Repete ea quæ diximus supra tit. 10. ad num. 4.*

Acci-

Accidit aliquando obstinatè peti ab aliquibus Missam celebrari de Sancto infra eiusdem Octauam, sed in die, in quo fit Officium de alio Sancto Semiduplici cum commemoratione Octauæ; puta, exigunt Missam de S. Ioanne Baptista in Festo S. Leonis II. seu Missam S. Antonij Patauini infra eiusdem Octauam, & sèpè infra Octauam Corporis Christi; seu Missam de B. Virgine in Festo S. Nicolai Tolentinatis, & similes Missas: quo ritu hæ Missæ celebrentur? neque enim à Rubricis Votiuæ Missæ prohibentur dici infra præfatas Octauas, neque in Festis prædictis Semiduplicibus: at neque mera Votiuæ eæ videntur esse, ratione propriæ Octauæ, infra quam eæ pertinentur dici. Multis autem hac de re à me quærentibus respondi, saluo

meliori iudicio, & S. Rituum Congregationis arbitrio, Festiuas eas non esse, quia Horis Canonis non correspondent: & Votiuas esse ex hoc potissimum capite, quia non correspondent Officio, quæ est Votuarum nota, in tit. seq. 15. num. 5. tum quia supponimus, infra Octauas proprias eas occurrere, transacto Festo. Et licet Octaua tota reputetur unus & idem dies Festus, unde & Missa Festi repetitur per totam Octauam; tamen id locum haber, quando perseverat Officium de Octaua simul cum Missa, secùs, si discordat Missa ab Officio. Posito igitur, quod eæ sint Votiuæ potius quàm Festiuæ, ritum Votuarum in ijs obseruarem, si obstinatè exigantur, aut si negari non possint sine peccato offensione.

De Hora celebrandi Missam. XV.

Missa priuata saltem post Matutinum & Laudes, quacumque hora ab aurora usque ad meridiem dici potest.

[*y Ab aurora usque ad meridiem.*] Nempe in luce, quia ex S. Thoma 3. par. quest. 83. artic. 2. ad 4. Christus ait, Me oportet operari, donec dies est, Ioan. 9. addit Suar. disp. 80. sect. 4. nec ante auroram regulariter ad opus publicum conueniri, nec post meridiem ieunium protrahi: ubi etiam concedit horam cum dimidia ante ortum Solis, ex causa. Tertiā partem horæ ante auroram, vel post meridiem, esse notabilem partem, & sufficientem ad lethale peccatum, docet Azor. lib. 10. cap. 25. quest. 6. minor quàm tertia pars horæ excusat à lethali, ex Soto 4. Distin. 14. quest. 2. artic. 2. concedit Nauar. in Man. cap. 25. num. 85. & alibi,

celebrari posse ex causa rationabili post meridiem; contra quem cum communi opinione scripsit Francol. Tractat. de Tempore Hor. Canon. 1. par. cap. 41. iusta verò causa esse potest, post Missam solemnem tardius cantatam in Festis, vel post concionem longiore, addit Suar. vt fiat de licentia Episcopi, si commodè haberi potest.

Priuilegiati, vt hora ante vel post celebrare queant, poterunt hora ante, vel post statam horam à Summis suis regulariter concessam, celebrare; alias non esset priuilegium.

Varijs igitur horis celebrari priuatim potest, quia fit in Missa memoria Passionis, quæ accidit manè; Mortis, quæ